

2016

HELLO

FROM

CUHK

SPARK, Executive Committee, Student Union of CUHK



中大百科

香港中文大學喺1963年創立，最初由崇基學院、新亞書院同聯合書院合併而成，係香港第二間大學。中大嘅成立帶動咗香港七十年代嘅「中文運動」，成功打破英文壟斷官方語言地位嘅局面。

校訓

中大嘅校訓係「博文約禮」，取自《論語》。「博文」解做知識深廣，「約禮」即係遵守禮儀，反映中大嘅教育方針德智並重。

校徽



中大校徽嘅主色係紫同金，盾形校徽上面以「鳳」為圖案，因為香港位於東亞嘅南方，而鳳正正係「南方之鳥」，亦象徵住高貴、美麗、忠耿同莊嚴。

校歌

中大冇校歌，只有書院院歌或者校歌。

中大特色



書院聯邦制

中大由九間書院組成，根據創立時間嘅先後，崇基學院、新亞書院、聯合書院同逸夫書院稱為「四舊」，晨興書院、善衡書院、敬文書院、伍宜孫書院同和聲書院統稱「新書院」。

書院主要負責書院週會、書院通識、宿舍等嘅非形式教育，亦各自有唔同嘅船、Exchange、Scholarship等。中大每間書院都係獨一無二，有各自嘅文化，後面會有每間書院既簡介。



民主女神像

一出火車站就見到嘅民主女神像又簡稱民女，係彷彿六四事件時象徵學生運動嘅民主女神像製成。

其實民女坐落到中大都經過咗一番爭取。2010年校方以「政治中立」為由，拒絕學生會擺放民女喺中大嘅要求。喺社會嘅嘩然同譴責之下，維園六四晚會完咗當晚，超過2000個師生同市民嚟到中大，一齊迎接呢座「非官方」中大地標到來，所以民女先可以豎立至今。



烽火台


喺大學圖書館正門前嘅烽火台係中大地標之一，台上個雕塑係朱銘創作嘅「仲門」，外形好似兩人過招咁。相傳如果你穿過左「仲門」，就會畢唔到業……



百萬大道

百萬大道係位於中大本部嘅長形廣場，官方名係林蔭大道。百萬大道個名點嚟？有人話因為造價百萬港元建造；有人話因為用左百萬塊地磚鋪設而成；又有人話因為地面砌有象徵萬象的回紋階磚噃。

中大九院逐間睇




崇基學院



新亞書院




聯合書院



逸夫書院



晨興書院



善衡書院

美景嚟講，好多出名嘅景色都喺崇基校園。例如係小橋流水、未圓湖、崇基教堂、獅子亭等。而崇基嘅舍堂文化都非常多元化，唔同宿舍都會有自己嘅宿生會，搞好多好玩嘅活動。而最可以凝聚到宿生嘅，莫過於崇慶（大型嘉年華）同傳元國盃（體育競技）。崇基學生每個學期都需要出席7次週會，每次都有唔同講者同講題。週會係有好多崇基學生嘅集體回憶黎㗎！

新亞書院係歷史最悠久嘅書院~新亞精神就係傳揚中國人文精神，係由錢穆、唐君毅創辦嘅。新亞位於中大之嶺，遙望吐露港，環境清幽，例如係知行樓外面嘅櫻花樹，天人合一亭就可以飽覽吐露港嘅海景。仲有君子塔、圓形廣場等景點。新亞嘅圓形廣場大家應該聽過！點解呢？原來裡面圓形廣場嘅牆壁雕刻左新亞畢業生嘅名字。相信好多新亞同學都好嚮往。

聯合書院位於山上，但係都十分之方便。腳程五分鐘到新亞或本部，仲可以經陳宿去和聲、ihouse等地方。聯合書院嘅建築物其實十分有觀賞價值，著名地標當然不在話下，例如聯合水塔同思源館（中大唯一一間酒吧，雖然係酒吧但夜晚十點就會關門）。仲有湯宿，其實係一個四合院嘅設計，仲有湯石、胡草等，都係空曠嘅好地方。新生不妨經過留意下。

逸夫有咩？有Freedom有朋友有家人我哋全部都有！全年活動一浪接一浪，俾同學一個發揮自己才能嘅舞台！宿舍背山面海，仲有女人腳坐鎮，風涼水冷保佑你過三爆四！逸夫嘅書通最自由，一個sem三次assembly，無STOT無FYP，只需要讀兩個course就夠，選擇仲好多：動漫、電影、話劇等等，實有幾個啱你口味！仲諗？揀逸夫啦，給你一個五星級的家。


晨興最大特色就係國際化。本地、內地、國際生嘅收生比例係1:1:1，喺呢度認識嘅好友來自世界各地，真正咁「增廣見聞」，學習不同嘅文化！

每個Morningsider包保4年宿位，不論你住所遠近（係咪好正？），讓你身同其他Morningsiders「朝夕相見」。此外，每逢星期二三四都有共膳，為你哋提供共聚天倫嘅時間！加上我哋係一個300人嘅小書院，就好似一個和諧嘅小社區、大家庭！

一行到去善草就會見到「家」字，就知道家般嘅親切感係善衡嘅賣點啦！雖然善衡規模較細，但係大O係必須參與，仲有全宿同共膳，院長又住喺書院裡面，所以可以營造到家般親密嘅關係！中大嘅咖啡店唔多，而善衡就有一間啦，就係善衡書院飯堂隔離嘅星巴克咖啡店啦！



敬文書院



伍宜孫書院



和聲書院

座落中大以北，人數三百，敬文在山城自成一境，亦正正如此，敬文人事往往別樹一格。面向吐露洋，與八仙群嶺相對而立，稱心的住宿環境固然吸引，但鮮為人知的卻是敬文人的浪漫。清幽的環境讓你可鑽研學問，在課餘的晚上，你亦可與三五知己在蘭如臺把酒言歡，在城門河邊御風而行...沒有「傳統」的包袱下，這裡予你大學生活的無限可能。

伍宜孫書院係一個以環保同創新為理念嘅書院。書院內有創意實驗室同露天農場可以俾同學喺大學嘅四年生活有與眾不同嘅體驗。宿舍面向吐露港，有無敵大海景，環境亦十分清幽。書院亦十分鼓勵同學自行組隊，舉行各式各樣嘅活動，限制較少。喺呢度，你可以發揮創意，實現理想。

和聲書院最出名當然就係和聲beat啦！但係和聲又點止和聲beat？和聲其實以住宿設施好同「有啖好食」出名。住宿方面，和聲保安措施真係好好，要用和聲卡先可以進入宿舍。而食物方面，和聲有甜品店（仲有好靚嘅山景）、學生飯堂（有pizza食～）同上海菜餐廳。對住宿生活要求高嘅新生可以留意下啦！

	崇基	新亞	聯合	逸夫	晨興	善衡	敬文	伍宜孫	和聲
院訓 止於至善	院訓 誠明	院訓 明德新民	院訓 修德講學	院訓 博學、進德、濟民	院訓 文行忠信	院訓 修己澤人，儲才濟世	院訓 文行忠信	院訓 知仁和	
創立年份	1951	1949	1956	1986	2006	2006	2007	2007	2007
學生數目	約3300	約3300	約3400	約3400	約300	約600	約300	約1200	約1200
宿位 (每學期) 週會次數	1456	1186	1286	1211	300	600	302	600	624
FYP	有	無，但有STOT	有	無	無	有	有	有	無
必宿共膳	否	否	否	否	是	是	是	否	否
高桌晚宴	無	無	週會每年有兩次以高桌晚宴形成舉行	二年級或以上同學可選擇高桌晚宴	每學期兩次	每月一次	每學期兩次	需出席一次高桌晚宴 / 書院論壇	每學年一次

提交書院優先次序

新生記得喺**2016年8月10日前**
填好網上表格，排列你嘅書院
preference啦！

日期：8/8 - 10/8

網址：https://www.adm.cuhk.edu.hk/admin_online/public/account/SAC00100.aspx

新生日程

9/8	迎新日
12/8	選課輔導日
12-15/8	網上註冊
12-14/8	學生會OCamp
17-20/8	細O (Batch 1)
22-25/8	細O (Batch 2)
25/8	領取CU Link
26/8	Reg 科
29/8-1/9	大O
4/9	入宿

中大學生會常設機構



代表會

學生會最高立法、司法、監察及民意代表機構，負責監察其餘三莊及處理屬下團體註冊事宜。由各書院學生會選出代表組成。

幹事會

學生會最高行政機構，對外亦代表中大學生會。負責為同學爭取福利、與其他院校學生會聯絡、向校方提出意見，以及擔任大學委員會委員等。以內閣形式由全體基本會員選出。

校園電台

負責制作電台節目，包括常規錄音、影像節目、短片等，亦有作新聞直播。以內閣形式由全體基本會員選出。

報社

負責出版中大學生報。以內閣形式由全體基本會員選出。

福利品部

由學生會營運嘅福利品部除咗售賣文具之外，仲設有影印區同埋釘裝區，方便成日要交Paper嘅你嘛！

福利品部仲有賣富有中大特色嘅明信片、T-shirt、電腦袋等等等等，快啲黎買啦！

范克廉樓地庫




會室

福利品部隔離嘅中大學生會會室，除左係學生會莊員既辦公室之外，同學仔亦都可以喺book文化廣場、富爾敦206室、玻璃房或者文廣banner位。會室仲有得借帳篷、長枱同檯，方便同學仔喺文廣舉辦活動呀嘛！

香港中文大學學生會


馬 騰

中文大學




記事簿


1A/1B
7:40-18:40
逢20, 40, 00 (1B)



2
7:45-18:45
逢00, 15, 30, 45




3
9:00-18:40
逢00, 20, 40




其實仲有幾架轉堂巴，同埋富貴巴可以搭，詳細路線可以睇 http://www.cuhk.edu.hk/transport_unit/

去CC上堂嘅同學可以搭轉堂巴6A、6B或7號，咪終點落車


4
7:30-18:50
逢10, 30, 50



N
19:00-23:30
逢00, 15, 30, 45



H
8:20-23:20
逢00, 20, 40



星期日及公眾假期得日車



中大學生會 CUSU

中大學生報

崇基學生會 CCSU

聯合書院學生會幹事會

晨興書院學生會

香港中文大學敬文書院學生會

和聲書院學生會 WSSU

中大人資訊專頁

中大學生會代表會

中大校園電台

新亞學生會 NASU

逸夫學生會 SCSU

善衡學生會幹事會

伍宜孫書院學生會

CUHK Secrets

中大百寶箱

IT 狗的資訊

上網

WIFI

- 中大同學可以用既WIFI有六個，包括CUHK、CUHKA、CSL、Y5ZONE、Universities WiFi、eduroam。
- Universities WiFi同eduroam就係最方便，只要上網登記左CUHK Wi-Fi Hotspot Partnership Programme，首次login成功之後，以後就會自動connect。
- 相反，CUHK同CUHKA每次用都要輸入Computing ID同CWEM密碼登入。

LAN 線

住宿既同學仔可以將LAN線插入用房裡面既port，打開瀏覽器之後用CWEM帳戶同密碼登入就上到網。

中大VPN

同學仔如果係校外，可以連接中大VPN去上受限制既校園網絡(e.g. Wisenews、圖書館電子資源等)。同時中大VPN亦係去中國個時翻牆既好工具！

軟件

Microsoft Office 365

- 中大同學可以免費用Office 365(Word、Excel、PowerPoint等)，仲有1 TB儲存空間既OneDrive可以用添！
- Office 365仲包埋大學生電郵，Login ID係Student-ID@link.cuhk.edu.hk，密碼係CWEM密碼。
- 指引：<http://www.cuhk.edu.hk/itsc/chinese/o365/#eligibility>

防毒軟件

- 每位中大學生都免費有一份Kaspersky防毒軟件。
- 指引：www.cuhk.edu.hk/itsc/security/antivirus/

記得每180日要轉一次CWEM密碼，
如果唔係個密碼就會過期：)



中大大詞典

GPA

[dʒi:] [pi:] [eɪ]

全稱Grade Point Average，係大多數大專院校用嚟評估學生成績嘅制度。喺中大，GPA滿分係4.0，即係A。

【CGPA】Cumulative GPA，即係每個學期嘅平均GPA。

【過三爆四】GPA超過3.0(B)，接近4.0(A)。

莊

zong¹

校內學會、團體的內閣。中大有好多唔同嘅莊，好似宿生會莊、學生會莊、興趣學會莊、學系莊等等。唔想任期一年咁長，仲可以參加短莊，負責籌辦某個活動。有興趣做幹事嘅同學，可以留意下校園周圍嘅「傾莊」海報或banner。

【上莊¹】「上」讀作第5聲時係動詞，解做出任學會或團體嘅幹事。

【上莊²】「上」讀作第6聲時係名詞，指上一屆嘅幹事。

【傾莊】校內組織會舉辦傾莊活動，聚集一班有興趣上莊嘅同學，等同學可以籌組新一屆內閣。

【落莊】舊幹事卸任。

O-Camp

[əʊ] [kæmp]

「O」取自「Orientation」，中文名迎新營，係為咗令新生認識新環境而舉辦嘅宿營活動。

【組爸媽】O-Camp小組裡面嘅組長，會陪住新生度過O-Camp嘅日子。

【細O】學院或者學系嘅迎新營，新生同組爸媽都係同一個學院或者學系。

【大O】書院迎新營，新生同組爸媽都係同一個書院。

【巨O】由學生會舉辦嘅小型迎新營。

Dem-beat

[dem] [bi:t]

「dem」即係「demonstration」，拍住手揀住地咁去嗌口號，一般喺莊宣傳期同埋O-Camp個時會見到，係中大嘅一大風景。

出 pool

ceot¹ [pu:l]

有拖拍，出pool嘅人通常要請朋友食飯。

船

syun⁴

獎學金，來自Scholarship的「ship」。

宿/Hall

zong¹ / [ho:l]
宿舍。

走 読 生

zau² duk⁶ sang¹

冇宿嘅學生，相反有宿嘅叫「宿生」。

屈 蛇

wat¹ se⁴

唔係宿生，但係偷偷哋喺朋友宿舍過夜。

【打蛇】宿舍導師或者舍監巡查宿生房間，睇下冇有人屈蛇。

jam

[dʒæm]

「不問自取」好聽啲嘅講法。

摺

zip³

收埋自己，唔同人交流。可配搭成摺宿、摺讀等等。

chur

[tʃɜː]

好比心機、好辛苦咁做一件事，可作動詞或形容詞。

Free-rider

[fri:] [ˈraɪdə]

做Group-Project唔做嘢嘅組員，成日唔覆機、開會遲到早退、遲交/Hea做自己負責嗰Part都係Free-rider嘅特徵。動詞係「Free-ride」。

颓 飯

teo⁴ faan⁶

大學Canteen入面價格較低嘅碟頭飯，通常由餐肉、火腿、腸仔或者雞蛋再加汁整成，最出名嘅颓饭可以喺崇基「眾志堂」食到。

玻 璃 屋

bo¹ lei⁴ uk¹

用玻璃做外牆而得名，位於泳池側邊，喺緊新學期會開素食餐廳。

中大學生會會長

周豎峰

寫給新生的話

當你看到這篇文章的時候，恭喜你，你已經成功考入大學了（除非你是陪朋友來迎新日，或者純粹是來趁熱鬧的）。

人們總是更願意相信，他們在千辛萬苦不斷努力後所換來的果實，永遠都是甜美非常的。儘管維園裡的伯伯們常常貶抑大學生為廢青，恍如我們一進入大學就甚麼東西都不用做似的；又或者在你成長的歲月裡，你的九嬸七叔三姑六婆總愛在你面前炫耀說自家的兒子考進了某某大學十分叻仔；而甚至到了今天，你的母親或許依然忙著向他們還擊以討回這許多年來被比下去的面子；你考不上大學的朋友們紛紛向你投以羨慕（或仇恨）的眼光；而和你一同考上大學的朋友們，就早在入學通知發下來當天就已經在酒吧裡與你一起描繪四年大學生活的美好光景……但，朋友啊，你們真的知道接下來你們真正需要面對的是甚麼嗎？

根據非正式統計顯示，高達八成新生都會參加迎新營——Ocamp是也。在中大，我們有至少三大種Ocamp，分別是由系會所舉辦的細O，由書院學生會所舉辦的大O，以及由我們中大學生會所舉辦的巨O。

你一旦參加Ocamp，就會由各個組爸組媽開始聯絡你，並最終被他們挾持著要你與一群三唔識七的少男少女一同嘻嘻哈哈地渡過在中大的第一段時光。在這四日三夜裡，你們會由一開始的尷尬尷尬，火速地變得熟絡起來。有些人會在迎新營內識到他們大學生涯中最好的朋友，或者信任組爸組媽將他們當成在大學中最可靠的指路明燈，有些人甚至會在迎新營中遇上他們的真命天子或天女……但更多的，卻是與各自的組員成了hi-bye friends，除了上堂一起合作做project present，交流就僅止於八卦友和午飯腳而已。無論如何，在迎新營中你會開始漸漸摸熟中大複雜的地形和各種制度，組爸組媽也會教你如何應對在中大的生活，最緊要的是，人不懶_枉少年啊！好好青春地玩一把吧！

過了Ocamp，你就必須立即面對真正的大學生活。你或者會當上了某某學會的幹事（上莊），或者住在某宿舍中日日夜夜地玩著舍堂活動（住Hall），或者邂逅了你的另一半天天開心地啪啪啪，或者在你比起中學時期遠要短及彈性的上課時間表中抽出點時間到處幫人補習和打工，好攢點零用和學費……不過在此之前你必須要先讀懂那一疊又一疊課程要求的必讀文章，學習如何在圖書館和網上搜尋出適當的文獻（請不要再只看維基了，謝謝），從而支撐你寫出一篇又一看似嚴謹非常卻又根本毫無學術養分的行貨論文，以及在做group project這一場攻防戰中與你的partner合作、談判、拉鋸、甚至全面反面。然後，在晚秋的黃昏裡，你坐在新亞天人合一亭的飄葉之中，惘然地看著吐露港映紅的水面，你將會呆然自問：到底，大學的意義是甚麼呢？

考上了大學，不等於就踏上了天堂。雖然馬料水不會響起中學的上課鐘聲擾你甜夢，但各種不切實際的大學夢，終歸還是得要醒的。中大縱山水勝畫，宛若世外人間，但即使是聖經中所記載的流奶與蜜之地，奶蜜還是得要人們自力親手去採的——你的大學意義，將需要由你親手編織。

2016 中大藝墟



9月14-15日

地點/ 百萬大道

FB/ 中大藝墟Art Fair 2016

加入屬會做會員
埋黎藝墟打個轉



中大學生會

幹事會傾莊

九月下旬起

@中大學生會會室（泳池旁）

詳情請留意「中大學生會 CUSU」FB PAGE更新



12 - 14/8

名額25名

費用 \$300*

啱啱入到中大唔知頭唔知路？

想認識多啲我地個香港？

究竟中大學生會係咩東東？

想識到第一班中大fd子？

中大學生會
迎新營

*部分三餐由參加者自費

中大手寫體



編輯及設計：梁頌恩(聯新傳三) / 攝影：潘永賢(伍計科四) 梁頌恩(聯新傳三)